

Bosna i Hercegovina
Federacija Bosne i Hercegovine
KANTON SARAJEVO
Kantonalna uprava za inspekcijske
poslove



Босна и Херцеговина
Федерација Босне и Херцеговине
КАНТОН САРАЈЕВО
Кантонална управа за инспекцијске
послове

Bosnia and Herzegovina
Federation of Bosnia and Herzegovina
CANTON SARAJEVO
Cantonal Administration for Inspection Issues

PREMIJER	28-04-2020		
Organizaciona jedinica	Uprava za inspekcione poslove	Broj	Org. jedinica
16	04	8603-29	

Broj: 14-02-04-01797/20
Sarajevo, April 23. 2020. godine

Bosna i Hercegovina
Federacija Bosne i Hercegovine
KANTON SARAJEVO
SKUPŠTINA KANTONA SARAJEVO
(Na pažnju , predsjedavajućeg, Mirze Čelika)

PREDMET: *Odgovor na zastupničko pitanje broj: 01-04-8603-7/20 od 30.03.2020. godine, postavljeno od strane zastupnika Elvisa Vrete - dostavlja se;*

Kantonalna uprava za inspekcijske poslove Kantona Sarajevo, dana 17. Aprila 2020. godine zaprimila je zastupničko pitanje postavljeno od strane zastupnika Elvisa Vrete kojim traži informaciju o konkretnom načinu postupka provjere, postupku i načinu kažnjavanja sa dnevnim pregledom i poduzetim mjerama u suzbijanju pojave kršenja mjera za osobe kojima je izrečena pisana mjera samoizolacije vezano za pandemiju sa Corona virusom od 20. marta do danas.

U vezi s postavljenim zastupničkim pitanjem, dostavljamo slijedeći

ODGOVOR :

Kantonalna uprava za inspekcijske poslove Kantona Sarajevo (u daljem tekstu Uprava) poduzela je niz radnji i mjera u cilju adekvatnog odgovoraj situaciji nastaloj proglašenjem pandemije izazvane koronavirusom. Mjere se ogledaju u činjenici da je u sanitarnoj i tržišnoj inspekciji uveden rad u dvije smjene kao i rad u neradne dane, a u cilju praćenja



web: <http://kuip.ks.gov.ba>, mail: kuip@kuip.ks.gov.ba

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb

rada ovih inspeksijskih službi rad u dvije smjene i neradne dane organizovan je i u pisarnici Uprave.

Obzirom da broj sanitarnih inspektora nije dovoljan da odgovori zahtjevima i potrebama sa terena ovlaštenje za obavljanje poslova sanitarnog inspektora u skladu sa Zakonom o inspekcijama Kantona Sarajevo dato je i drugim inspektorima tako da poslove kantonalnog sanitarnog inspektora obavljaju 23 izvršioca.

Nadzor nad provedbom mjera za zaštitu stanovništva od zaraznih bolesti vrše sanitarni inspektori koji postupaju kao prvostepeni organ. U provedbi nadzora sanitarni inspektori ovlašteni su temeljem člana 57. Zakona o zaštiti stanovništva od zaraznih bolesti, narediti zabranu kretanja osobama za koje se utvrdi ili posumnja da boluju od zarazne bolesti, narediti izolaciju i njihovo liječenje, te ostale mjere za zaštitu stanovništva od zaraznih bolesti.

Sanitarni inspektori kontinuirano donose rješenja, kojim se zabranjuje kretanje licima za koja JU Zavod za javno zdravstvo Kantona Sarajevo dostavi epidemiološko mišljenje da je potrebna samoizolacija shodno činjenici da su bili u direktnom kontaktu sa oboljelim osobama ili sa osobama za koje postoji sumnja da su oboljele od zarazne bolesti (koronavirus).

O donesenim rješenjima, blagovremeno se obavještava Zavod za javno zdravstvo Kantona Sarajevo i Zavod za javno zdravstvo Federacije BiH radi vođenja evidencija u skladu sa naredbama kriznih štabova ministarstava zdravstva (dnevni izvještaj).

Nadalje, sva donesena rješenja se dostavljaju MUP-u KS na dnevnoj osnovi u cilju praćenja poštivanja naloženih mjera od strane policijskih službenika. Po izvršenim kontrolama policijski službenici dostavljaju službene zabilješke u kojima je evidentirano poštivanje ili nepoštivanje zabrane kretanja.

Napominjemo da su policijski službenici MUP-a KS u prethodnom periodu kontrolisali i rješenja federalnih inspektora i rješenja Ministarstva zdravstva KS (za Covid pozitivne osobe i najuže članove njihovih porodica), te ovom organu redovno dostavljali službene zabilješke vezane za kontrolu izdatih rješenja. Nakon izvršene obrade i ažuriranja, iste se prosljeđuju donosiocima rješenja (Federalnoj upravi za inspeksijske poslove i Ministarstvu zdravstva Kantona Sarajevo) na dalje postupanje.

Od 21.03.2020. godine uspostavljena je saradnja sa Ministarstvom zdravstva Kantona Sarajevo kod izdavanja rješenja o kućnoj izolaciji za lica koja su pozitivna na COVID 19 i njihove uže članove porodice, shodno članu 47. i 48. Zakon o zaštiti stanovništva od zaraznih bolesti, te sanitarni inspektori kontinuirano vrše aktivnosti kod prikupljanja informacija u vezi donesenih rješenja, obrade i ažuriranja zaprimljenih rješenja, službenih zabilješki policijskih službenika MUP-a KS, a u vezi kontrole lica za koja su donesena rješenja, kao i informacija o kliničkom i dijagnostičkom isključivanju zarazne bolesti.



web: <http://kuip.ks.gov.ba>, mail: kuip@kuip.ks.gov.ba

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb

Do momenta sačinjavanja odgovora izdata su 1123 rješenja o zabrani kretanja u trajanju od 14 dana putnicima najprije iz rizičnih, a kasnije svih zemalja, koji su doputovali u BiH, te zbog širenja lokalne transmisije, svim osobama za koje je dostavljeno epidemiološko mišljenje zbog kontakata sa zaraženim ili suspektno zaraženim osobama u skladu sa Zakonom o zaštiti stanovništva od zaraznih bolesti, u cilju sprečavanja širenja zarazne bolesti uslijed pandemije koronavirusom.

Od navedenog broja 858 rješenja je prestalo da važi istekom vremena inkubacije.

Uslijed različitih situacija sa kojima se susreću policijski službenici na terenu, odeđene su kontakt osobe ispred Inspektorata sanitarne, zdravstvene i farmaceutske inspekcije i inspekcije za hranu u smislu telefonske komunikacije sa policijskim službenicima u periodu od 0-24časa radi davanja uputa i pojašnjavanja procedura i postupaka u konkretnim slučajevima.

Po dostavljenim službenim zabilješkama policijskih službenika na kojima je naznačeno "nije zatečen na adresi" teško je odrediti da li je osoba "stvarni prekršilac" jer svi slučajevi se moraju individualno razmatrati (bolesne osobe, onkološki pacijenti, dijalizni pacijenti, trudnice, osobe koje su se izolirale na drugoj adresi od prijavljene ili na vikendicama često i van Kantona Sarajevo, stranci koji su napustili našu zemlju i slično).

Svakodnevnom kontrolom policijskih službenika u dostavljenim službenim zabilješkama evidentirano je 17 kršenja naložene mjere-zabrane kretanja i protiv tih lica je pokrenut zahtjev za prekršajni postupak. temeljem člana 62. Zakona o prekršajima u Federaciji Bosne i Hercegovine, pred nadležnim sudom, (11 lica, a ostali su u obradi).

Visina novčane sankcije za navedeni prekršaj je u rasponu od 100,00 do 2.000,00 KM, dok inspeksijski organi shodno odredbama Zakona o prekršajima u Federaciji Bosne i Hercegovine mogu izricati najnižu novčanu kaznu u visini od 100,00 KM.

Napominjemo, da su dva lica od 17 prekršitelja u prinudnoj izolaciji-karantinu na Bjelavama, zbog kršenja određene mjere zabrane kretanja u skladu sa Naredbom, protiv kojih će se naknadno pokrenuti postupci, od kojih je jedno lice uložilo žalbu na rješenje o zabrani kretanja koja je proslijeđena Federalnoj upravi za inspeksijske poslove, na postupanje., kao drugostepenom organu.

Kako je u zastupničkom pitanju tražen izvještaj po danima to isti dostavljamo kako slijedi:

Dana 19.3.2020. godine -3 kršenja (isti prekršioc dva puta)

Dana 20.3.2020. godine-3 kršenja (isti prekršioc dva puta)

Dana 21.3.2020. godine -3 kršenja

Dana 22.3.2020. godine -1 kršenje

Dana 23.3.2020. godine - 1 kršenje

Dana 4.4.2020. godine -1 kršenje

Dana 10.4.2020. godine-1 kršenje

Dana 13.4.2020. godine-1 kršenje

Dana 17.4.2020. godine-2 kršenja

Dana 18.4.2020. godine -1 kršenje



web: <http://kuip.ks.gov.ba>, mail: kuip@kuip.ks.gov.ba

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb

Broj prekršioaca koji se objavljuje u medijima podrazumijeva ukupan broj rješenja donesenih od strane ovog organa, Ministarstva zdravstva Kantona Sarajevo i Federalne uprave za inspekcijske poslove - i to rješenja graničnih inspektora za lica sa adresom u Kantonu Sarajevo.

Dio pitanja koji glasi "Zašto Vlada, Krizni štab i Štab civilne zaštite KS ne postupa po uredbi FBiH i Kriznog štaba FBiH da za navedena lica koja krše mjere preventivno objavljuje javno imena putem KUIP-a, takođe je razmotreno te u vezi s istim ističemo da se Rješenjem direktora Agencije za zaštitu ličnih podataka Bosne i Hercegovine od 24.03.2020. godine "Zabranjuje nadležnim organima na svim nivoima vlasti u Bosni i Hercegovini, uključujući entitetske i kantonalne štabove civilne zaštite kao i drugim organima, koji djeluju u vanrednoj situaciji u vezi sa pandemijom virusa korona, da objavljuju lične podatke o licima koja su pozitivna na koronavirus kao i licima kojima su određene mjere izolacije i samoizolacije."

Poštujući navedeno rješenje, nismo u mogućnosti postupiti zahtjevu istaknutom u zastupničkom pitanju i objaviti imena osoba u izolaciji i samoizolaciji kao i onih kojima je rješenje o izolaciji i samoizolaciji prestalo da važi.

S poštovanjem,

Dostavlja se:

1. Predsjedavajući Skupštine KS
2. Sekretar Skupštine KS
3. Sekretar Vlade KS
4. a/a



DIREKTOR

Fahir Halilović



web: <http://kuip.ks.gov.ba>, mail: kuip@kuip.ks.gov.ba

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb